


Sebija Izetbegović  
Zastupnica u Skupštini Kantona Sarajevo

Bosna i Hercegovina  
Federacija Bosne i Hercegovine  
Kanton Sarajevo  
Skupština Kantona Sarajevo



n/r Predsjedavajućeg Skupštine Kantona Sarajevo

Uputiti: Vladi Kantona Sarajevo, Kantonalnoj upravi za inspeksijske poslove Kantona Sarajevo, Ministarstvu za nauku, visoko obrazovanje i mlade Kantona Sarajevo i Uredu za borbu protiv korupcije i upravljanje kvalitetom Kantona Sarajevo

PREDMET: Postupanje nadležnih institucija nakon podizanja optužnica u predmetu „Koverta“

Poštovani,

U skladu sa Poslovníkom Skupštine Kantona Sarajevo, a imajući u vidu javno dostupne informacije o podignutim optužnicama u okviru akcije „Koverta“, upućujem sljedeća zastupnička pitanja.

Povjerenje građana u institucije javne uprave počiva na zakonitosti, odgovornosti i integritetu državnih službenika. Posebno se to odnosi na lica koja obavljaju rukovodeće funkcije u organima uprave i institucijama Kantona Sarajevo, jer upravo od njih građani očekuju najviši stepen profesionalnosti i poštivanja zakona.

Prema javno dostupnim informacijama, u predmetu „Koverta“ podignute su optužnice, između ostalog, i protiv sljedećih državnih službenika:

- Dalila Hakalović, glavna prosvjetna inspektorica,
- Dženita Viteškić, pomoćnica ministra za visoko obrazovanje,
- Mersiha Sabaredžović-Klačar, sekretarka Vlade Kantona Sarajevo.

Imajući u vidu težinu optužbi i činjenicu da se radi o rukovodećim državnim službenicima, neophodno je utvrditi da li su nadležne institucije postupile u skladu sa zakonom i pravilima državne službe.

## I. POSTUPANJE POSLODAVACA I RUKOVODILACA ORGANA

Molim da dostavite:

1. Da li su rukovodioci organa u kojima su zaposlena navedena lica donijeli rješenja o njihovoj suspenziji do okončanja krivičnog postupka?

2. Ukoliko jesu, molim da dostavite: datum donošenja rješenja, pravni osnov za donošenje rješenja, datum stupanja suspenzije na snagu.

3. Ukoliko nisu donesena rješenja o suspenziji, molim da dostavite: razloge zbog kojih nije pokrenut postupak suspenzije, pravni osnov na kojem je zasnovana takva odluka, ime i funkciju lica koje je donijelo odluku da se suspenzija ne izrekne.

## **II. PRIMJENA PROPISA O DRŽAVNOJ SLUŽBI**

Molim da dostavite:

1. Da li su u predmetnim slučajevima primijenjene odredbe Zakona o državnoj službi u Kantonu Sarajevo koje regulišu pitanje suspenzije državnih službenika protiv kojih se vodi krivični postupak?
2. Da li su od Agencije za državnu službu, Ministarstva pravde i uprave ili drugih nadležnih organa tražena pravna mišljenja u vezi sa postupanjem u ovim slučajevima?
3. Ukoliko jesu, molim da se dostave kopije tih mišljenja.

## **III. POSTUPANJE UREDA ZA BORBU PROTIV KORUPCIJE**

Molim da dostavite:

1. Da li je Ured za borbu protiv korupcije i upravljanje kvalitetom Kantona Sarajevo pokrenuo bilo kakve aktivnosti, provjere ili analize nakon objavljivanja informacija o podignutim optužnicama?
2. Da li su procjenjivani rizici po integritet institucija u kojima navedena lica obavljaju funkcije?
3. Da li su nadležnim organima dostavljene preporuke za postupanje i koje?

## **IV. ZAŠTITA INTEGRITETA INSTITUCIJA**

Molim da dostavite:

1. Koje mjere su poduzete kako bi se zaštitio integritet institucija i povjerenje građana u njihov rad do okončanja sudskih postupaka?
2. Da li su navedena lica i dalje uključena u procese odlučivanja, nadzora, inspeksijskih postupaka ili rukovođenja organizacionim jedinicama?
3. Da li je izvršena procjena mogućeg uticaja njihovog daljeg rada na zakonitost i kredibilitet institucija u kojima su zaposleni?

## **ZAKLJUČAK**

Vladavina prava ne smije biti selektivna. Građani Kantona Sarajevo imaju pravo znati da li se propisi jednako primjenjuju na sve državne službenike, bez obzira na funkciju koju obavljaju. Posebno je važno da institucije koje su zadužene za provođenje zakona i nadzor nad njihovom primjenom budu primjer poštivanja istih tih zakona.

Ukoliko se protiv državnih službenika vode ozbiljni krivični postupci, javnost ima pravo znati da li su nadležni organi postupili u skladu sa svojim zakonskim obavezama ili su odlučili da ih ignorišu.

Očekujem da nadležne institucije dostave jasan, precizan i dokumentovan odgovor, uz navođenje svih poduzetih mjera i pravnih osnova za postupanje ili nepostupanje u navedenim slučajevima.

S poštovanjem,

Sebija Izetbegović

Zastupnica u Skupštini BiH

